



SETEMA 2023

O Tatou Agelu Tausi

O galuega a tatou agelu tausī o le avatu lea o i tatou i le lagi – ae lē o le vavae’eseina mai i tatou mai puapuagā po o le maliu. Ona o le i’uga lava, o puapuagatia atonu o uiga ‘autū nei o tatou olaga fa’aleagaga i lenei lalolagi, ma o le maliu o la tatou faitoto’a mulimuli atu lea i le Atua.

E lē tatau ona fa’ate’ia i tatou pe a maliliu nisi o aiga, uō po ni fanau iti i ni fa’alavelave fa’afuase’ia. E lē tatau fo’i ona tatou va’ai i ai o ni ituaiga o ni fa’aletonu fa’aleagelu. O le galuega a agelu o le avatu lea o lē o lo’o ia va’aia i le fa’amasinoga, ma ia sauniuni lelei lava. O agelu o lo’o soifua i le afio ai o le Atua, ma e sili atu lo latou iloaina o le mafaufau o le Atua i lo tatou. Ua latou iloaina o se manu’aga po oni fa’ama’i e fa’alatalata atu ai i tatou i le Atua. Ua latou iloaina fo’i o le isi luasefulu - fā itulā i le lalolagi nei o le a fa’aopoopoina se isi aso o tatou mātutua ma loloto le nofo aitalafu.

Ua fa’atagaina e le Atua o tatou puapuagā ma ua o’o lava i le maliu, e masani mo le lelei o agaga – mo tatou lava agaga, pe afai tatou te tali atu i le kalasia, mo le lelei o isi pe afai tatou te lē tali atu i ai. O agelu e masani ona ‘au’au fa’atasi ma ana fuafuaga lelei atoatoa.

Fa’amasinoina mai le va’aiga fa’aletagata, o lenei ua va’aia e mātuitui ma sauā. Ae o le va’aiga fa’aletagata e muta. Ua na o se tagata ua maoa’e ma talenia lona mafaufau o le a va’ai atu i tua atu o lenei manatu.

O se tusi tala sa tusia se tala fa’atausua’i na lē logomalie i nisi o le au faitau, o lē sa manatu o Kerisiano e lē tatau ona tausua’i e uiga i puapuagatia. Sa ia fai i se tasi o nusipepa, “Ua fai mai tagata o a’u tusitusiga e sauā ona o mea sauā e tutupu ma ua ou tau’aveina pea lenei mataupu.” Ae o lenei tusi tala sa taumafai e aumai se va’aiga mai mata – a agelu: O lo’o i ai se fa’aupuga i le amioga lelei i lea fa’aupuga, ma o le mea o lo’o fai mai ai o lo’o i ai se olaga i tua atu o lenei, ma o nei mea na tutupu e lē o ni mea ua sili atu le taūa. E lē taūa mo se va’aiga uma lava”.

O le va’aiga fa’aagelu lenā. O lenei olaga ma ona tigā ma fa’alavelave ua tutupu, o fa’afitauli ma fa’amasinoga, ua maua o latou taūa mulimuli mai le “olaga i tua atu o lenei.” O agelu e manana’o iā i tatou e faia le mea tonu mo tatou agaga. Ma afai tatou te filifilia e ‘aua le amana’iaina i latou, ma lē amana’iaina le Atua, ona latou taumafai lea e fa’aititia le fa’aletonu ua tatou faia i isi.

Ae ui i lea, e ala atu i le tele o a tatou taimi i’inei, o le a tatou tutū i le mana’omia o se taimi sili atu i’inei – ina ia fa’alatalata tele atu i le Atua ma sauniuni ai tatou lava mo le fa’amasinoga. O le mafua’aga lenā e taumafai tele ai o tatou agelu tausī i nisi o taimi e taumafai pea e puipuia i tatou ma fa’amautinoa o tatou saogalemū.

Manuia le savaliga o lenei masina i le tatou Kapelania.

AFIGA AKIEPIKOPO PAUL

2 Aukuso 2023



Tena Koutou katoa
Ua ou tusi atu i le asō
ina ua auina mai le
Ripoti ale Komisi o
Su'esu'ega i le Sauāga i
Tausiga i le a'oga a
Marylands i Kalaisetete.
O se ripoti e fa'anoanoa
tele i faiga sauā a Felela
o le ituaiga a Sagato
Ioane o Uso ale Atua i
taimi a o latou va'aia le
a'oga mai le tausaga

1955 aga'i atu i le 1984 ma le Hebron Trust sa
va'aia mai le 1986 – 1992.

Atonu ua outou iloaina lenei ona sa fa'ailoa
atu i taimi a o faia le Komisi o Su'esu'ega sa
faia i le tausaga ua tuana'i atu. O le fa'ai'uga
ua latou aumaia o se matua'i fa'amanatu mai
iā i tatou o leaga na faia iā i latou sa tatau ona
saogalemū ma tausia lelei ma a'afiaga o lenei
faiga leaga i olaga o latou sa feagai ma nei
fa'aletonu, i nā taimi ma taimi na mulimuli
mai ai.

Tatou te manana'o i la tatou Ekalesia o se
nofoaga e saogalemū ai tagata, mauaina le
lagolagosua ma ua mafai ona tatalo ma vivi'i i
le Atua. O le fa'anoanoaga e lē fa'apea lava i
taimi uma. E tatau ona tatou tau'ave o tatou
fa'aletonu mai taimi ua tuana'i, faia ni mea
tatou te mafaia e fesoasaoni ai iā i latou sa lē
faia lelei i auala sa tatau ona i ai, ma
fa'amautinoa o tatou ua saogalemū mo tagata
uma aga'i atu i le lumana'i.

Sa tatou taumafai e galulue i lenei mo le 30
tausaga ua tuana'i atu. Ua tatou iloaina e tele
lava ni mea e tatatu ona tatou a'oa'oina mai i
faiga masani a latou sa fa'aleagaina ma o se
tasi nei o mafua'aga na talosaga ai le Ekalesia
ina ia avea ma vaega o lenei su'esu'ega e le
Komisi Aloa'ia. Tatou te manana'o ina ia sili
atu i le lagolagoina o latou sa fa'aleagaina a o
va'aia e tatou ma tatou te manana'o e
fa'amautinoa tatou te faia mea uma lava ua
mafai e maua ai e tagata le saogalemū.

O Iesu Keriso na sau ma le Tala Lelei ma
fa'asino mai iā i tatou pe fa'apefea mai le
Atua. Sa sau i se lalolagi agasala ma o le mea
ua tatou feagai atu i ai i'inei o le moni o le
agasala. O le tasi o taunu'uga matuiā o le
fa'aleagaina o latou ua tatou va'aia e masani e
a'afia ai fo'i la latou vafeagai ai ma le Atua,
ona o tagata sa tatau ona avea ma tagata o le
Atua o lo'o faia nei leaga i tagata vaivai.
E tatau fo'i ona tatou fa'amautinoaina o lo'o i
ai le faimea tonu mo latou ua fa'aleagaina i
nei auala ma o latou ua fa'atigā i lenei faiga e
lē toe mafai ona toe faia.

O le fa'aleagaina fa'ausuga o tagata, tamaiti
ma tagata matutua, i totonu o a tatou
fa'apotopotoga Ekalesia o se vaega o la tatou
tala'aga. E lē mafai ona tatou suia taimi ua
tuana'i ae e mafai ona tatou fa'amautinoaina
tatou te faia le taimi nei ma le lumana'i ua sili
atu lona lelei mo tagata uma.

Mo outou e i ai le ta'ita'iga po ni matafai
fa'apitoa i totonu o le Ekalesia po ni
fa'apotopotoga a le Ekalesia ou te avatu le
fa'amalosi'au iā te outou ina ia fa'amautinoa
ua outou faia uma mea ua tatau ai i polo-
kalame o le saogalemū ma faiga ua tatou mu-
limulita'i ai nei. O auala nei ua fa'amautinoa e
saogalemū ai tagata uma. O le mafua'aga lena
ua fa'aalu ai ni a'oa'oga e le Ofisa Aoao mo
Tulaga Fa'aporofesa mo latou o lo'o i
'au'aunaga i nisi o auala. O Palisi ua i ai polo-
kalame mo latou o lo'o 'a'afia i ni 'au'aunaga
fa'apitoa i totonu o palisi. O a tatou a'oga ua i
ai ni fa'atinoga ma feagaiga e fa'amautinoa ai
le saogalemū o fanau ma tagata matutua.
Tatou te lē fa'apalepale pe talia so'o se
sauaga.

Ia tatou lagolagosua le tasi ma le isi i nei aso,
talanoa atu ma isi pe afai tatou te mana'omia
le uiga i mea ua tatou fa'alogoina ma iloaina
ma fa'aauau pea ona faia mea uma tatou te
mafaia mo latou ua a'afia i nei sauaga.

Ia Keriso

+ Paulo

SAGATO Cosma ma Tamiano – Maletile (d. 303?)

E leai ni mea ua iloina e uiga i o la olaga vaganā na la maliliu puapuagā i Syria i taimi o fa’asauaga a Diocletian. O se falesa na fa’avaeina i luga o le nofoaga na teuina ai i la’ua sa fa’alateleina e le tupu o Justinian. O tapua’iga i nei sagato e to’alua na salalau vave i Sasa’e ma Sisifo. O se paselika ta’uta’ua sa fausia e fa’amanatu ai i la’ua i Constantinople. O la suafa na tu’uina i le kanone o le Misasa, atonu i le seneturi ono.

O talatu’u ua fai mai o la’ua o se ‘au uso masaga na fananau i Arabia, na avea ma ni foma’i atamamai tele. Ua i ai i la’ua fa’atasi ma latou ua fa’aalologia tele i Sasa’e o “latou e leai ni tupe” ona latou te le’i tapā ni totogi mo a latou ‘au’aunaga. Sa lē mafai i ni tagata lauiloa fa’apenei ona sosola ‘ese e aunoa male lē maitauina i taimi o fa’asauaga: na saisaia i la’ua ma ave’ese o la ulu i se fa’asalaga.

Fa’amatalaga: Mo se taimi umi lava, sa va’aia, sa tatou malamalama i vavega a Iesu o ni fa’amaoniga o lona mamana. O mea ua tatou lē va’aia i nisi o taimi o le tului fa’aalu a Iesu i le na o le fa’amaloloina o ma’i a tagata po o lea lava nisi uiga sa va’aia i ana gaioiga. O le mana “na sau mai iā te ia” na mautinoa o se fa’aaloga o le Atua sa manino lelei ona i ai i le tala’aga a le tagata i le fa’ataunu’uina o ana folafolaga; ae o le alofa o le Atua sa mausalī lelei fo’i i loto o tagata uma sa atugaluga e uiga i puapuagatia o ona uso ma tuafafine. O se fa’amanatuga i Kerisiano o le fa’aolataga o se tagata atoa, o le tino – agaga tu’ufa’atasia uiga ‘ese.

Fa’aupuga: “Tou te leiloa ‘ea, o lo outou tino o le malumalu lea o le Agaga Pa’ia ua i totonu iā te outou mai le Atua, e lē ‘aiā fo’i outou iā te outou? Auā ua fa’atauina outou i le tau; o le nei ia outou vivi’i atu i le Atua i o outou tino ma o outou agaga, o mea a le Atua ia” (Korinito 6: 19 – 20)

Tusitusiga mo Setema

E i ai taimi tatou te taumafai ai e alu atu i le fatu o le misitelio o le Fa’atuatua, tatou te taumafai e va’ava’ai i le olaga e aunoa ma lea. Fa’apefea pe afai e leai ni misitelio a lo Tatou Tama’ita’i o Fa’anoanoaga (ua tatou patipatia i le aso 15 o Setema).

Fa’auta o lou Tinā

E sauā ma le lē mafaufau e pei o tagata leaga sa i ai i Kalevalio, o nisi o i latou na fa’aosofiaina i mea sa latou o mai e vā’ai ma fa’alogo i ai. E mautinoa lava o nisi o nei tagata sa lagonaina Iesu o lo’o talosaga mo le fa’amagaloina o latou, po o folafolaga mo le gaioi i parataiso, po o upu a le seneturi ua vala’auina Iesu “O le Alo o le Atua,” na lagonaina le salamō. Ae ina ua molimau se tasi na avea ma fili a Iesu i se taimi na talanoa mai ai i luga o le koluse – “Sena e fa’auta o lau tama...Fa’auta o lou Tinā” (Ioane 19: 26 – 27) – ua latou iloina ai o lo’o i ai se nofoaga e o atu i ai ma a latou māasiasi ma le fa’alumaina o ‘oe lava. Ua leai se isi auala e lafi ai.

O le leai o le Tinā Fa’anoanoa i le koluse, pe toe i ai se fa’amoemoe iā i tatou mo le fa’aolataga, feagai atu ma le fa’asalaga o a tatou lava agasala?

O Henry Suso Pa’ia, se tasi o le au fa’alilo a Tominiko mai Rhineland ta’uta’ua mai le seneturi 14 na tautala ma le manino e uiga i lo tatou Tinā o le Fa’anoanoa. Sa ia tatalo:

O le Masiofo ole lagi ma le lalolagi, ia fa’aliu suavai lo’u nei fatu i se tasi o nā loimata maligi a o tūtū i lalo o le koluse a lou Alo agalofa, sa e fa’amaligi i le alofa mo ia. O lenei o le a fa’amamā ma fa’afetaui atu lo’u nei fatu ma ‘oe ona o le natura lenei o puapuagā e leai se isi e malamalama lelei i ai vaganā lē ua a’afia ai.

Title—Article 3

Tatou te fa'atuatuaina Maria ma o tatou puapuagā mo le mafua'aga fa'atauva'a lava e tasi: ona sa sili atu ona ia puapuagatia.

Se taimi o le fa'amanino

I se taimi e lē mamao atu na toe manatua ai e se nusipepa se koneseti sa faia i le 1996 mo ni su'ega tupe mo le Ekalesia. O ni ali'i pese ta'uta'ua o Eric Clapton ma Luciano Pavaroti sa faia se koneseti su'e tupe mo le Ekalesia. O pese sa la'ua peseina fa'atasi e uiga i le *Tinā Pa'ia!*

I lana ia lava tusi e uiga i lona olaga na toe tepa i tua Clapton i mea ua ia ta'ua “le matagā ma le ‘ele’elea o lo’u olaga (sa puapuagā tele mai le ‘ava malosi). I le ogatotonu o nei taimi na sau “se taimi o le manino”. O le taimi lenā na ia amata ai ona tusia se pese ua ta'ua “Tinā Pa'ia” ma i lenei pese “sa ia talosaga atu ai mo se fesoasaoni mai le punavai mamana.” O se pese o lo’o tumau ai lava lona fiafia ona”ua ou maitauina na sau mai le loloto o lo’u fatu o se tagi moni mo se fesoasaoni.”

O le pese o se tatalo: Tinā Pa'ia e, o fea ‘oe/O lenei po ua ou lagona le vaeluaina... Tinā Pa'ia, ua le mafai ona taofiofi la’u tagi/ Ou te mana’omia lau fesoasoani i lenei taimi/... Ta’u maia iā te a’u fa’amolemole po ofea ou te liliu atu i ai/ina ia toe maua mai o a’u nei”.

O Henry Suso Pa'ia na kofesio atu i lo Tatou Tinā:

O le telē o le agasala a se agaga, o le telē fo’i lea o lana aiā tatau e fa'alatalata atu ai iā te Oe; o le tele o fa'aletonu o le tele fo’i lea o le fa'anaunau e fa'avave atu i le mea o lo’o e afio ai. Afai o le tele o au agasala e fa'amata'u ai oe, ioe, o ia o le alofa e lē muta ua vala'aina mai oe.

4

O se nofoaga e liliu atu i ai.

I nai tausaga na tuana'i ai sa alu atu Clapton i se nofoaga e toe fa'aleleia ai “i se fa'anoanoaga atoatoa.” Ua ia toe fa'amatala, i le fa'alilolilo o lana potu, sa ia ‘ai’oi mo se fesoasoani. Sa leai sona manatu o ai sa talanoa atu i ai; “ua ou iloaina ua ou sau i le i’uga o la’u noanoa... ma, alu ifo i lalo i ou tuli vae, na ou tu’uina atu o a’u lava. I nai aso na mavae ai sa ou iloaina...ua ou maua se nofoaga e mapu atu i ai, o se nofoaga sa ou iloaina lava o lo’o i ai i’ina ae sa le mana’o i ai pe mana’omia, e talitonu i ai.”

O lana pese o lo’o ‘ai’oi atu: “Tinā Pa'ia, fa'alogo mai i au tatalo. /E ui o lea ou te iloaina o lo’o e i ai i’inā. / Auina mai iā te a’u se filemū o le mafaufau/... Tinā Pa'ia, fa'alogo mai i la’u tagi atu. /...Ua ou lagoonā le ita o lo’o ulufia ai lo’u agaga;/ Pau le mea ou te mana’o ai o se lima ou te u’uina.”

O Henry Suso na ōle atu i lo Tatou Tama'ta'i o Fa'anoanoaga mo tatou:

Ioe, o lenā, va'ai mai iā te a’u, o se mea ola fa'atauva'a, i na fofoga agalofa e lē liliu'eseina e lou loto agalofa mai se tagata agasala pe fa'anoanoa. Fusi atu a’u i lalo o lou ofu talaloa ona o ‘oe o lo’u fa'amafanafana ma lo’u fa'amoemoe. Pe i ai 'ea sē ua agasala, e lē afaina le tele o ana solitulafono ma solitulafono matuiā, o lē e lē mafai ona fo'ia lona ia lotovaivai i le mafaumafau atu iā te oe? Masiofo Mua'itofia, o ‘oe moni le faitoto’a – tatala o kalasia, e lē o se faitoto’a ua tapunia ae o le alofa. O le a sili atu ona mafai mo le lagi ma le lalolagi ona fa'aliusuavaia i lo oe e tu’ua se fa'atoga fa'amaoni e lē lagolagoa.

Alo'ese mai le Ta'uamiotonuina ale au Farasaio

O lenei fo’i le finagalo o le Tamā o lē ua auina mai a’u, ia lē māumau lava se tasi ua ia foa’iina mai iā te a’u, a ia ou toe fa'atuina o ia i le aso gata'aga (Ioane 6: 39). O ia lava i le aso muamua, o tatou i le aso mulimuli. O le aso muamua o le fa'auluuluga o le Ekalesia e

Alo'ese mai le Ta'uamiotonuina ale au Farasaio

āna. O lo tatou aso, o le Ali'i Keriso, ua tatou va'aia, e lē fa'ai'u i le goto ifo o le lā. O le aso mulimuli o le i'uga lea o le lalolagi ma ona tausaga.

'Aua le fa'apea mai, "O afea e sau ai?" mo le tagata o se taimi umi lava ona mo tagata ta'ito'atasi lava o a latou aso mulimuli o le aso latou te maliliu ai. Ioe, a e tu'ua lenei lelolagi o le a e taliaina e pei ona talafeagai ma tatau ma ole a e toe tu mai e talia mea ua e ausia. Ona fa'atulaga lea e le Atua o le paleali'i, e lē fa'apea o sou aogā ae o ana mealofa. O le a lava ua ia avatu iā te oe, afai sa e taofia ma tausisi lelei i ai, o le a ia maitauina lenei.

O lenei uso ma tuafafine ia fa'asino atu o tatou mana'oga aga'i atu i le leai ae na o le lagi, i le leai ae o le ola e fa'avavau. E lē tatau iā i tatou ta'ito'atasi ona olioli iā i tatou lava, ona o ni tagata sa ola ai ma le tonu i'inei, fa'apea le lē fa'atusatusaina o tatou lava ma latou o lo'o ola ai ni olaga leaga, e pei o le au Farasaio sa ta'uamiotonuina o ia lava, ua manino mai ai e le'i fa'alogo i le Aposetolo ua fa'apea mai, "*E lē peisea'i ua 'ou maua nei, po ua 'ou atoatoa ona lelei nei* (Filipi 3: 12). O le mea lea na te le'i taliaina lava lē sa ia fa'anaunau atu i ai. Sa ia taliaina se tautoga; sa ia fai mai lava o ia e fa'apea; O lē ua fa'amaufa'ailogaina le agaga i o tatou loto (2 Korinito 1: 22). O le mea sa fuafua atu i ai lenei tautoga, o le mea lenā sa ia fa'anaunau atu ina ia taunu'u atu i ai. O le fua o le 'au ai – ae mai se mamao. Ua tatou 'au ai i se tasi o auala i le taimi nei, o le a tatou 'au ai la i se isi lava faiga. O lenei ona o le fa'atuatua, o le fa'atuatua i le Agaga lava e tasi; ona e ui i lea o le a avea ma va'aiga, o le mea lava ia, ae o le Agaga lava e tasi, le Atua lava e tasi, le atoaga lava e tasi. O lo'o tagi mai iā i tatou a o tatou lē o iai, o le a fa'aalia mai o ia lava iā i tatou pe a tatou 'au atu i ai; o lo'o vala'au mai iā i tatou a o tatou feoa'i i le fa'aanu'ua; o le a ia tausisi ma fafaga i tatou a o tatou i ai i o tatou atunu'u.

Aso Sa Luasefululua o le Tausaga

Sa faigatā ia Peteru ona talia o le misiona a Iesu sa fa'amutalia i le fa'akoluseina i le koluse. Sa ia lē va'aia o le tigā ma puapuagatia sa mana'omia mo le fa'aso'oina, ma na popole ma manatu i le Ali'i ina ia 'alo 'ese mai nei faiga. Sa ita tele i le manatu o nei mea fa'apenei pe na tatau ona tupu. E pei o le to'atele o tatou, sa ia lē pipi'i i lona mafaufau le matafaioi o le puapuagā i fuafuaga ale Atua. Sa manatu o ia o le avea ma vaega o le malō o se mea tau i le paoa ma le alu lelei. Ua leai ni upu e ave'eseina ai le manatu ma iā te ia o se Mesia o le matagofie ma le mamalu fa'alalolagi nei. E le'i a'oa'oina lava e Peteru tulaga a Keriso e lē o le mau'oa ma se tulaga lelei. O le mea na tupu o le a'oaiga mai iā Iesu o lē sa lapata'ia o ia i le faia o tulaga a le lalolagi. 'O auala e te mafaufau ai e lē o le Atua lea ae o le tagata.' Ua fa'ai'u le evagelia i se lu'i mai iā Iesu ina ia fa'aulufale mai faigatā ma fa'amaopo mai tigā ma puapuagā fa'aletagata ona o le taofiofi ai pea i lenei olaga, o le mamulu atu lea o le ola e fa'avavau ma mea lelei uma tumau.

I polokalame sili o mea ua tatou tu'uina atu ni vaega atoa o tofotofoga. O le auala e lē sa'o lelei ma o puapuagātia o se moni ole olaga o le tagata. I se lalolagi ole mana'o tele, sauā ma ma'i o le fa'asologa lea o le aso. O la tatou malagasā fa'alalolagi nei ua fa'alavelavea i tofotofoga ma puapuaga ua fa'aigoa sa'o o le 'vanu o fa'anoanoaga'. O tatou uma ua masani iā tatou fo'i vaega o le faigatā i ituaiga o fa'ama'i 'ese'ese, leai o ni galuega po o maliu i aiga. Mai tupulaga o le fa'afitauli o le tigā sa avea ma nofoaga o finauga o le tele o mafaufauga fa'aletagata ma sauaga o le to'atele o agaga lelei. A fa'aletonu nisi o faiga ma sau le gasologa

Aso Sa Luasefululua o le Tausaga

o puapuaga iā i tatou ua tatou alaga atu ma le tete'e i ni auala matuiā. O se faiga fa'anatura ole liliu atu o le tua i fa'afitauli ma fa'aletonu ae o le sola 'ese mai tigā e lē aumaia ai le olioli ona o le lafi mai ai o le manatu lē sa'o e lē o tupu nei faiga.

O le avea ma Kerisiano o se mamalu e mana'omia ona o ala a le Atua o le faia o mea ole fa'afeagai lea ma fa'amoemoega a le tagata. I le evagelia, o lo'o ta'u manino mai e Keriso o le fa'aso'oina e 'a'afia ai le tineia o tatou lava, ave lou koluse ma fa'atuatua ma le mafanafana ma mulimuli iā te ia i luga o le mauga o Kalevalio. E faigatā nei a'oa'oga ae o le fua o le silisili i le malō o le lagi o le tulaga lea a le koluse.

O se taimi lenei e tomanatu ai i o tatou lava taumauga iā Keriso ona e faigofie lava ona leiloa atu le va'aiga o la tatou taunu'uga mulimuli i lenei olaga. O tatou loto ua fa'aososoina e sa'ili le mafanafana i mea fa'aletino ma 'alo'ese mai i faigatā o lenei olaga. O le to'atele o latou e o i le lotu ua mafaufau lava na o latou ma e lē mana'o e tu'uina atu ni minute e fasefulu i taeao o aso Sa, ae a fesiligia e fa'ailoa mai i latou o le a fa'apea mai o latou o Kerisiano.

Aso Sa Luasefulu – Tolu o le Tausaga

O faitauga o lo'o tauavea se fe'au manino lelei e uiga i o tatou matāfaioi aga'i atu i le fa'aolagata o isi iā tatou fa'apotopotoga. E leai se tagata ua avea ma motutu'ufua ma iā Keriso o tatou uma o uso ma tuafafine ma suli o le aiga e tasi. O lenei olaga e pu'upu'u ma e tatau ona tatou fa'amaoni i o tatou tiute o le faia o le lelei a o mafai i le fesoasaoni iā i latou e vaivai ma mana'omia la tatou fesoasoani. E lē fa'apea o le avea o tataou ma tagata su'esu'e ma aiā i olaga o tagata. O le alofa i o tatou tuā'oi e tatau ona fa'autauta ma sa'olele ma 'aua ne'i fa'agaloina o se tasi o vaega lelei o le olaga o lenā taimi laiti e lē taufa'amatalaina ma nai faiga lelei e lē manatuaina.

E leai se ola fa'atasi e aunoa ma ni tigā ma ua aumai e le evagelia iā i tatou le fesili mā'ale'ale o le fesoasaoni iā i latou le 'au matutua i fa'apotopotoga o lo'o amio lēpulea, faia le sesē ma le fa'aletonu. E masani ona fa'apea o le fa'asa'o e seāseā fa'aulufale mai ma o latou e mana'omiaina tele e masani e lē fiafia i ai. O le mataupu lenei e ao ona i ai se fa'aeteetega tele ona o le upu aiā e lē tatau e mafai ona mafua ai ni leaga o le a sili atu i lo le fa'aletonu na amata mai ai. O fa'asa'osa'o e lē faigofie lava ma e mafai ona fa'amāasia ai ma e mafai ona tauaveina ai ma tulaga lamatia o le fa'aleagaina o ni faigauō mafana ua leva. E masani lava, o le leai o se leo e 'auro ae ua i ai taimi o le leai o se leo o le 'au ai lea i faiga fa'atevolo. Po o lea a lava, o tulaga e tula'i mai ua fa'aletonu ai lo tatou lē 'a'afia ai e lē o se gaioiga o le alofa ae o le leai o se agalelei. I taimi fa'apenei, o a mea tatou te tautala atu ai e tatau ona fa'amatalaina i se agaga o le alofa ae lē mo le sailia o ai ua sesē po le tautala atu i ni nai moni laiti.

O le alofa o le mea lea e tasi e lē mafai ona fa'atigā ai o tatou tuā'oi. Afai o iā tatou le mafai e fa'ao'o atu ai se atugaluga moni, o se talanoaga amiotonu itiiti e masani ona fa'amanino ma suia ai le tulaga mo se lelei. E aoga le manatuaina e leai lava ma se isi o tatou e atoatoa, o le mea lea a tatou fa'asinosino lima i isi, e tatau fo'i ona tatou sauniuni e fa'aloge e uiga i o tatou fo'i fa'aletonu. Ona e mafai iā i tatou uma ona faia ni soligatulafono ma le leai o se manatu i ai, e tatau iā i tatou ona manatu a iai ni 'ese'esega ma isi ia fa'aleleia lea mataupu ma fa'amagalo. O upu sauā ma se uiga fa'amisa e leai sona nofoaga i fa'apotopotoga Kerisiano. O Keriso lava ia na fa'amamafa maia le taūa o le fa'aleleia ma ou uso ma tuafafine ina ua fai mai: Afai fo'i e te avatu lau taulaga i le fatafaitaulaga, ona e manatua ai lea ua i lou uso se mea e tigā ai o ia iā te oe, inā tu'u ia i lea mea i luma o le fatafaitaulaga ae alu oe ia mua'i fa'alelei i lou uso, i lē e sau ma avatu lau taulaga" (Mataio 5: 23 – 24). E to'afia nisi o tatou e taofiaofia lenei upu i o latou loto?

Aso Sa Luasefulu – Fa o le Tausaga

E leai se fa'aletonu po o se sesē i le sini autū o lenei sauniga o lona auga atoa o le fa'amagaloga ma le alofa – o uiga autū so'o se Kerisiano lava e tatau ona fa'atino. 'Ese mai ai ma le poloa'iga o le alofa atu le tasi i le isi e leai se noataga na a'oa'oina e Keriso ua sili atu lona malosi i lo le fa'ailoaina o le fa'amagaloga atu. I tulaga masani o le olaga i aso ta'itasi, fa'amagaloga e masani ona talanoa so'o ai i lo le fa'atinoina ona e faigatā ma e mana'omia ma e sasa'a atu ai le anoanoa'i mai iā i tatou. I totonu lava o aiga o nai mea laiti e fa'ateleina ma aveva ma tigā ma mafatiaga ma tuputupu mai ai le fa'aletonu o mafutaga i va o aiga. O tuā'oi, o fanau o lo'o ta'a'alo, o manu ua sopo tuā'oi ma le aiā tatau i auala, e mafai ona fa'atupuina ni fe'ese'esea'iga. I so'o se fa'apotopotoga lava o ni 'ese'esea'iga ua tupu ma atunu'u tatou te manana'o e fa'aleleia ni manua'aga tuai i lo le pa'i atu o le lima o le fa'aleleiga.

I le faitauga muamua ua ta'u maia iā i tatou ina ia tomanatu i le maliu o se fa'aleleia tele ma tu'u atu mataupu uma fa'aletagata i se fa'amoemoeina tonu. A o savalia e se tasi le ala umi o fanua tanu, o le fa'amagaloga ua va'aia i se va'aiga fou. O ni tuā'oi sa tatou fa'atasi i ni tausaga e tele ua tuana'i ma o latou mo se taimi o le olaga sa le'i salamō i ni pa tuā'oi a o lenei ua tanu i se va e lē mamao mai ai le tasi i le isi. E leai se mana'omia mo se pa puipui i le la va ile taimi nei. I le malamalama o le fa'avavau ma le pu'upu'u o tatou olaga, o le tau'aveina o le ita e leai se uiga. O le tagi a le Kerisiano o le fa'amagaloga ua sau mai le loto na mua'i fa'alogoaina i le mauga o Kalevalio. O le mea na folafolaina e Keriso i upu mai le koluse, sa ia ola ai i ana gaioiga. O le mafua'aga o lona olaga ma lona maliu o le aumaia lea o le manu-malō mo tagata uma.

O le mea ua sau mai le tauaso manino o la tatou mafai ona fa'amagaloga atu o le fua o le loloto o a tatou fa'akerisiano. O le fa'amagaloga ua tatou avatu i isi o le tulaga taūa ua mafai ai mo tatou ona talia le fa'amagaloga ale Atua ma tatalo ma le fa'amaoni: 'Fa'amagaloga a matou agasala e pei ona matou fa'amagaloga atu i ē ua agaleaga mai iā te i matou.' O le fa'amagaloina atu ua fa'amagaloina ai i tatou. O le lē fa'amagaloina atu o lona uiga ua galo iā i tatou le agalelei ale Atua, po ua tatou lē talisapaia atoatoa le fa'amagaloga lē fa'atuā'oia ua tatou taliaina mai iā te ia.

I tulaga masani o le olaga i aso ta'itasi e seāseā tu'uina atu tatou i ni tofotofoga o le fa'amagaloga, i mataupu e tigā ma mafatia po ni mafatiaga tetele e pei o le fa'alaitaina o se fa'auō. O tigā moni ua fa'alogoaina i ni fa'aletonu itiiti ma ni matau'a laiti ua fa'aosoosoina ai i tatou ina ia tau ma sui ma fa'aali atu ni uiga malosi ma le pagatia. O le mea ua mana'omia o le fa'amagaloga e leai sona muta'aga ma se mafai ona i'ila atu i luga o fa'aletonu ma fa'auau pea le alofa e ui i le feagai ai ma upu taufaifai. Afai e aveva i tatou ma feso'ota'iga moni a le kallasia ale Ali'i o lona uiga o Keriso o le fa'ata'ita'iga lea o tulaga e tatau ona fua ma fa'atonu-tonu i ai a tatou amioga.

Aso Sa Luasefulu – lima o le Tausaga

O la tatou va'aiga fa'aleāta o le Atua ua fa'atosinaina e le fa'alauteleina o tatou ala masani o le va'aia i mea ma o le mafuaga lenā, a o tatou fa'alogi i le evagelia o lenei aso Sa, ua fa'aosoosoina i tatou e gaioti atu ma fa'asoale faitio ma le tomumu ale au faigaluega sa galulue talu mai le taeao pō. I le va'aiga fa'aletagata e foliga mai ua amio tonu i le pologa ai i le aso atoa i le vela ole la ae na latou mauaina se totogi mo a latou tautigā i le aso atoa i le la ua tutusa ma i latou fa'atoā amata ua lata ona uma le aso. Afai tatou te taumafai e fa'asa'o le leai o se amiotonu o lea tulaga ua tatou misia le 'auga ma le autū o le tala. O le fa'ata'oto e lē o faia i se aiā tatau mo tagata uma, po ni totogi amio tonu mo galuega o le aso. O lona auga autū o le fa'aalia mai lea o le agalelei o le Atua i le tatala atu o faitoto'a o le malō o le lagi i

Aso Sa Luasefululua o le Tausaga

Tagata o Nu'u'ese ma latou ua agasala i se faiga tutusa ma le au Iutaia. Mo lo latou vaega na te'ea e le au Iutaia le mea ua tupu ma lotoleagaina faiga lelei a nei tagata na mulimuli mai. O le mea moni lava, o latou o tagata filifilia a le Atua ma na manatu e fa'asilisili ona faia i latou.

Ae o le mea ua tupu o lenei faiga fa'apito ma uiga inoino aga'i i le fa'aolataga o tagata agasala e lē faia na o tagata Iutaia. O nisi o taimi ua maua i tagata ua va'aia i latou o kerisiano fa'amaoni, ae ua faia ni manatu e uiga i le itulā sefulutasi ma talanoaga i taimi o le maliliu ai e lē o ni faiga lelei. Latou te lē taliaina i le tauiviga ma o latou olaga atoa i le 'au'auna atu i le Atua i le tu'uina atu o taimi mo tatalo, Misasa ma sakalameta ae ua i'u e lē sili atu i latou i lo isi e lē popole i le fa'alelotu ae liliu atu i le Atua i taimi mulimuli. Vagana ai le tulaga e leai ma se isi e mafai ona fa'amasinoina pe fa'apefea i se tagata ona tu i luma ole Atua, o se manatu fa'apea ua fa'alata ai le leai atoatoa o se malamalama'aga o le misiona a le kerisiano i lenei lalolagi, o le aumaia lea o le fa'aolataga i tagata uma. O le ulufale atu i le lagi, po o le a lava le aso ma le taimi, e leai se 'ese'esega ona ua avatu iā i latou uma ua faia le finagalo o le Atua le Tamā. O latou uma ua ulufale atu e tatau ona fa'afetaia mo lo latou taunu'uga lelei ma e lē tatau ona fa'aalia le lē fiafia pe fa'aalia le alofa'aga a le Atua i isi.

O lenei evagelia ua fa'atumuina i tatou i se fa'atusa fa'aosofiaina a se Atua agaalofa, agalelei ma fa'amagalalo o lona alofa ua avatu iā i latou sa galulue i o latou olaga atoa i ana 'au'aunaga ma iā i latou ua leai se fa'atuatua ae na liliu atu iā te ia i o latou taimi mulimuli. I luma o le Silisili'ese tatou te tutū e pei o ni tagata 'aisi ma e lē mafai ona fa'atausua'i ua tatou mauaina lo tatou fa'aolataga. O mea uma ua tatou maua o se mealofa foa'i fua o lona alofa ma le agalelei. E lē mafai ona tatou fa'amatalaina lona agalelei, ae tasi le mea ua mautinoa – o ala o le Atua e lē o tatou ala.

O LE EKALESIA O SE FA'AUŌ MONI A LE SA'OLOTOGA

I lenei lalolagi o lo'o tatou ola ai, ae lē o taofia isi faiga fa'apolokiki, o lo'o i ai se manatu o lo'o va'ai lelei le Ekalesia i isi faiga fa'asa'oloto a malō. I le tusitusiga *Centessimus Annus*, (tausaga selau) o lo'o aumai ai se aotelega e Pope Paulo II mafua'aga mo lenei ina ua ia fai mai: E fa'atāuaina e le Ekalesia faiga fa'atemokalasi ona e mautinoa ai le 'au ai o sitiseni i le faiga o filifiliga fa'apolokiki, fa'amautinoa iā i latou o lo'o pulea le avanoa e lē gata i le filifilia ma le suia o latou i faiga filemū pe a talafeagai ai.

O le mea moni lava, o le Ekalesia fa'atoa amata ona fa'atuputupu a'e se iloiloga lelei o le sa'olotoga. O fa'aupuga a Kelekolio 16 ma Pio 9 ua fa'aalia mai ai se fa'aeteetega mata'iga aga'i i temokalasi fa'atoā amata a le seneturi sefuluiva. E malamalamaina lelei ona o nisi o nei na mafua mai ni fouvalega na tete'e i le Ekalesia ma i nisi o taimi tete'e i le au failotu ma le sauā, aemaise i latou i Farani ma Italia. Ina ua mou atu lenei feitaga'i, na mafana le Ekalesia i manatu fa'atemokalasi. O le pule fa'akominisi, le tauvā autū i le sa'olotoga i le seneturi talu ai e lē masalomia na fa'alototeleina ai lenei.

E fa'afetaia ai o le feitaga'i aliali i faiga fa'asa'oloto i le Ekalesia ua tuana'i – i le lalolagi ua maua luga lana aganu'u fa'alalolagi o aso nei – o ni manatu e masalosalo i le fa'atosinaga a le Ekalesia ma masalosalo ai e tete'e i le sa'olotoga po e leaga mo le sa'olotoga. Na lagonaina lenei, mo se fa'ata'ita'iga i manatu ma ni va'aiga i nisi i le asiasiga a Pope Penetito i Peretania

sa faia ai ni tete'e aemaise i le malamalama'aga i ana faitioga o le Malo o Peretania.

O le vaega muamua o a'oa'oga a le Ekalesia i fa'apopotoga fa'apolokiki o le pule fa'apolokiki e sau lea mai le Atua. O le molimau lenei a le Tusi Pa'ia: O le tupu o Saulo, le ulua'i tupu a Isaraelu, na tofia e le Atua e ala ile perofeta o Samuelu (1 Samuelu 10: 1 – 2), ma o Iesu lava ia na fa'amanatu ia Pilato o lana pule e 'mai lugā' (Ioane 19: 11). O le isi auala e taunu'u ai i le fa'ai'uga lava e tasi o le fuafuaina o le natura o le tagata ola, foafoaina e le Atua, e fa'asosaiete (o tatou uma na faia i le fa'atusa o le Atua o ia o le feso'ota'iga o tagata). O le mea lea, e pulea e le Atua sosaiete a tagata fa'apea ai ma le pule a le tagata ua tataua ai ina ia ta'ita'ia ai sosaiete agai atu i le ausia o le lelei mo ona sulii uma. I lenei auala, o le Atua o le tusi tala o pule fa'apolokiki ona o le tusi tala o se natura tagata ua fa'asosaiete mai totonu. E mautinoa lava o le pule fa'apolokiki e sau mai le Atua aga'i atu i le pule *e ala mai i tagata*, o latou ia o ulua'i o pulega fa'apolokiki. Ae i le tofia o se pule, o tagata ua avatua lenei pule i le ta'ita'i, latou *te lē fa'ae'eina* atu lea. Ua na o le Atua, ona o le ulua'i o le fa'avae o pule a mataupu fa'apolokiki, e mafai ona fa'apea ua tu'uina atu (*Leo XIII, Diuturnum Illud, 5 – 7; Pio X, Notre Charge Apostlique*). I le malamalamaina i lenei auala, ina ua tausisi mai le Ekalesia o le Atua o le puna'oa silisili o le pule fa'apolokiki, o ia e tu'uina atu nisi 'au'aunaga ta'ua i le sa'olotoga.

FAITAUGA MO LE MASINA O SETEMA – 2023

Aso 3 Setema Aso Sa 22 Tausaga Masani – Faitauga Muamua: Ieremia 20: 7 – 9. Matua: Ua avea le afigo ale Ali'i ma mea e fa'alumaina ai a'u.

Salamo – 63: 1 (tali), 2 – 3 (tali), 4 – 5 (tali), 7 – 8 (tali). Tali: Le Atua e, o lo'u Atua lava oe; ua fia inu lo'u agaga ia te oe.

Faitauga lona lua – Roma 12: 1 – 2. Matua: Ia outou tu'uina atu o outou tino i le Atua, o le taulaga ola

Aleluia, Aleluia...ua ou ta'ua outou o uō, auā ua ou fa'ailoa atu ia te outou mea uma na ou fa'alogo ai i lo'u Tamā...Aleluia.

Evagelia – Mataio - 16: 21 – 27. Matua: Ai se tasi e fia mulimuli mai ia te a'u, ia fa'afiti o ia ia te ia.

Tofitofiga ole Upu:

O le ali'i o Harry Truman sa avea ma peresetene o Amerika sa faia se fa'amatalaga i le tatau ona faia ni fa'ai'uga e lē tatau ona toe fa'afo'isia. “O nisi o ali'i,” fai mai o ia, “e mafai ona faia ni fa'ai'uga ma o nisi e lē mafai. O nisi o ali'i e atuavale ma fa'atuatua'i pe a faitiaina. E i ai se fa'aupuga e masani ona fa'aogaina i ni taimi fa'apenei. Ua tatou fa'alogo i lenei fa'aupuga ta'uta'ua: “A lē mafai ona e tauaveina le vevela, alu 'ese mai le umukuka.”

E le'i ta'ua mai lava e Iesu ia i tatou pe fa'apefea ona ia taunu'u i lana fa'ai'uga e maliu i luga o le koluse ina ia fa'asaolotoina le tagata ua pa'ū. Ua tatou iloaina sa manatu atoatoa e maliu o se tagata ua fa'amanu'alia ona o tatou ma sa ia silafiaina e tupu lenei i Ierusalem. Mo ia e le'i i ai se fesili pe suia lona mafaufau. O lana fa'ai'uga sa maumaututū lava ma o se manatu o le taimi ae le'i fa'ataunu'uina lea. O le mea sa ia ta'ua o le “finagalo a lona Tamā” ma o se vaega o mea uma sa ia mafaufau i ai ma sa faia.

O le mea lea ina ua taumafai atu Peteru e suia lona mafaufau ma ui atu i se isi auala i lo le ala o le puapuagā ma le maliu, na lē fiafia tele Iesu i lana aposetolo ma le Pope o le lumana'i i lana amio fesuisuia'i. Ua amio Peteru o se fili – e pei o le tevelo, ina ua taumafai e fa'atauanau Iesu mai lana taunu'uga i le fa'aosoosoga i le toafa. O le mea lea na poloa'ia e Iesu Peteru ina ia alu i tua ona ua ia aumaia ni fautuaga e leaga.

O nisi o taimi o a tatou fa'auō – e fa'apea fo'i i latou o le a avea ma tagata pa'ia i le lumana'i – e mafai ona avea ma fa'alavelave iā i tatou o ni fili ta'utino. E leai so latou fuafuaga e fa'alavelave pe tata'i 'ese i tatou, ae e faigofie iā i latou ona faia fa'apea pe afai tatou te mulimulita'i i fautuaga uma ua latou ofoina mai. Ana mafai e Pereu ona fa'atauana Iesu, e lē fa'asa'olotoina le tagata ma o le Ali'i o le a to'ilalo i le fa'ataunu'uina o lana talaiga. O lo'o i ai nisi mea e tatau ona tatou faia i o tatou lava ala, e lē afaina po a ni mafaufauga po o ni mea e fai mai ai nisi.

O lo'o a'oa'oina mai lava e le Ekalesia o le fa'atumutumuga o a tatou fa'ai'uga o tatou lava lotofuatiaino. Ua tatou maitauina o le fautuaga e ta'ua tele, ae e tatau fo'i ona tatou manatuaina e mafai fo'i ona leaga le mulimuli 'ese mai iā tatou fa'ai'uga lelei. E mafai ona tatou mulimuli i fautuaga e sesē mai iā tatou fa'auō i le alu'ese mai se fa'aipoipoiga, i le lē amana'iaina o tautoga sa faia i le tautoga fa'alelotu; i le fa'afitia o folafolaga ma malilie fa'alelufono. Tatou te fa'afetaia ai le Atua ona o Iesu e malosi lona loto ma e loloto lona taumauga.

O le Ali'i i le faitauga o lenei Evagelia e lē o vala'auina i tatou e tau'ave o tatou koluse ona o le tigā – ae ina ia fa'ataunu'uina o tatou taunu'uga, e masani ona ausia pe a tatou fa'anaunau e talia mea fa'atigā. O le ala faigofie e 'alo'ese mai ai e masani o le filifiliga sesē. Ia tumau pea o tatou fa'atuaga i o tatou talitonuga fa'aletagata ma fa'amaoni i le Atua o tatou olaga o le a fa'atumulia e le filemū e fa'avavau.

Aso 10 Setema Aso Sa 23 Tausaga Masani – Faitauga Muamua - Esekielu 33: 7 – 9. Matua: Afai e te lē apoapoa'i atu i lē ua amio leaga, o lona toto ou te tauiatua lea iā te oe.

Salamo – 95: 1 – 2 (tali), 6 – 7 (tali), 8 – 9 (tali). Tali: O le aso nei afai tou te fa'alogo ai i lona si'ufofoga, 'aua ne'i fa'ama'a'a o outou loto.

Faitauga Lona Lua – Roma 13: 8 – 10. Matua: Ai se alofa atu i se tasi, ua atoatoa ona faia e ia o le Tulafono.

Aleluia, Aleluia...Ua ou ta'ua outou o uō, auā ua ou fa'ailoa atu iā te outou mea uma na ou fa'alogo ai i lo'u Tamā...Aleluia.

Evagelia – Mataio - 18: 15 – 20. Matua: Afai e fa'alogo mai o ia iā te oe, ua e maua lou uso.

Tofitofiga ole Upu:

O nisi o tagata e gaua'i gofie tele. E masani ona solomuli i tua ma fefe e fa'aleo atu se te'ega, ma o lenei ua latou maua ai se lagona o le fa'aititia ma le leai o se aogā. O isi ua sili atu le fa'asauā. Latou te una'ia tagata i ni auala fa'amaua ma le pulepuletutū. O tagata nei ua i ai le manatu fa'amaua ma le mimita. Na tautala ai Abraham Lincoln i le vaega lenei ina ua ia fai mai: “Ona e lē avea o a'u ma pologa, e lē avea fo'i ma ali'i.”

I le va o nei faiga ogaoga o lo'o maua ai le uiga lelei mo le va feagai ai o tagata – fa'amaoni. O tagata fa'amaoni e lē lafi i le fefe pe fa'amata'u fo'i e le malosi. Latou te ta'utino o latou fa'alogo'aga ma fa'amoemoega i le tagata po o ni tagata ua latou maua i ai ni faigatā. O tagata maututū e loto tele, e tatala mai ma tausisi i le filemū.

O tigā ma mafatiaga e masani ona lē fa'atalanoaina ma lē amana'iaina ona e faigatā mo tatou ona talanoa i ai. E ui tatou te 'alo 'ese mai fefinaua'iga, e masani ona tatou tomumumu pe a ui mai tua. “Afai e agaleaga mai lou uso iā te oe,” fai mai ai Iesu i le Evagelia o le asō, “ia e alu ma a'oa'i iā te ia tau lava o ouluga ma ia.” O le vala'au lenei ia mautū. O se faiga fa'apenei e mafai ona fa'asao mai ai ni faigatā e lē o fa'ailoaina mai ma e mafai ai e tatou ona fa'avave ona foia le tele o fa'afitauli o le tumau ai pea mo ni tausaga se tele po o le olaga atoa fo'i. A le mafai ona fa'aleleia o tatou fa'afitauli ma isi, ua fautua mai Iesu ia tatou sa'ili le fesoasani a se tagata lona tolu – e lē aumaia se tali ae ia avea ma fesoasani ina ia taunu'u itū uma i se

FAITAUGA MO LE MASINA O SETEMA – 2023

taunu'uga e malilie uma i ai. Afai ae fa'auau pea lenei fete'ena'iga, e tatau ona tu'uina atu i le Ekalesia mo se fa'ai'uga a se komiti po o se fesoasani ase tasi ua i ai le atamai i nei mataupu. O lenei faiga fa'atusi pa'ia i le faia o fete'ena'iga e sa'ili ina ausia le filemū i le va o tagata ma 'aua ne'i o'o atu i fa'amasinoga. E sa'ili fa'apitoa fo'i ina ia 'alo'ese mai le fa'aogaina o fa'amisa e fo'ia ai fa'afitauli.

Ua fa'amoemoeina i tatou ina ia alofa atu i le tasi, i se faiga o le tu'ufa'atasia ma le tatala atu, e aunoa ma le va'aia o se pologa po se ali'i. O le vituti o le fa'amaoni e lē fa'aititia ai isi tagata. E ala i le tatala mai o le tagata, e tautala ma fa'alogo ma ausia se malamalama'aga filemū.

Aso17 Setema Aso Sa 24 Tausaga Masani – Faitauga Muamua: Sirako 27: 30 – 28: 7.

Matua: Ia e fa'amagalo atu i le uso ua na fa'aleagaina oe, ona fa'amagaloina ai lea o au agasala pe a e tagi atu i ai.

Salamo 103: 1 – 2 (tali), 3 – 4 (tali), 9 – 10 (tali), 11 – 12 (tali). Tali: E alofa mutimutivale ma alofa fua mai le Ali'i; e telegese lona to'asa, ae tele lona alofa.

Faitauga lona lua- Roma 14: 7 – 9. Matua: Afai tatou te ola, tatou te ola mo le Ali'i, pe afai e oti, e oti mo le Ali'i.

Aleluia, Aleluia... O lau afioga o lau upu moni lea; ia e fa'apa'iaina i matou i le upu moni... Aleluia.

Evagelia – Mataio – 18: 21 – 35. Matua: Ou te lē fai atu iā te oe se'ia atu fitu, a ia fitugafulu ni fitu.

Tofitofiga ole Upu:

O le fe'au mai faitauga o le asō o se tasi ua sili lona taūa i le Tusi Pa'ia atoa. E fa'asino lea i le fa'amagaloga. O tatou ta'ito'atasi e mana'omia le fa'amagaloga ale Atua. O le Evagelia o le asō ua ta'u maia iā i tatou se auala manino lelei e lē fa'amagaloina e le Atua a tatou agasala vaganā ua tatou loto malie e fa'amagalo latou ua agasala mai iā i tatou. E leai se isi o tatou ua alu atu i lenei olaga e aunoa ma le maua i ni tigā. E tu'uina i tatou e tagata i lalo, atonu e o'o lava i le fa'alaina o tatou. E fa'apefea ona tatou onosa'ia nei tigā? E fa'apefea ona tatou feagai atu i ai? E mafai ona tatou maua mai ai ni avanoa e tuputupu a'e ai, pe e mafai fo'i ona avea ma ma'a tu'ia tetele i o tatou atia'e fa'aletagata ma le fa'aleagaga.

Ae pagā lea e lē mafai ona tatou va'aia nisi mea i lenei auala. O le taimi lava tatou te tigā ai o le manatu lava iā 'oe lava ua maua mai le faitoto'a. O ni uiga fa'anatura masani nei. E mulimuli mai e pei o le po i le ao. Ua tatou va'aia i tatou o ni tagata afaina e mamā mai se faiga e lē tonu toe leaga. A o'o ona sau le alofa iā te oe lava o le a maua mai ai ma le o'ona, ita, te'ea ma le lē nofo lelei. O nei mea o le a osofa'ia musela o le agaga, ma o le a nofo tumau ai i'ina fa'atasi ai ma ni taunu'uga ogaoga mo tatou.

O le manatuaina o sesē ma tigā e tafe atu i totonu i le loloto o tatou agaga. O i'ina e fulafula ma avea ma leaga. E o'ona atoa ai o tatou agaga ma malaia ai i tatou i se olaga fa'aletonu. E avea ma avega mamafa e tau'ave. E fa'afiua ai i tatou ma fa'aleaga ai o tatou mafai e alofa atu. E mafai ona fa'atigā mai i tatou i ni mea e tutupu. O nisi o tagata ua tausagā o tau'ave le tigā ma le inoino i totonu o latou. O nisi o ni tagata e taofiofi fa'anatura. Ua tauauau lava o se masani le fa'aputupu o tigā ma manu'aga e pei o ni mea taūa. Ua taofiofi i ai e pei o ni tagata e tele tupe ae le mana'o e fa'aalu. Ua latou manatu ua latou tau'i atu iā i latou na mafua uma ai. Ua latou aumaia le 'o'ona o fuala'au ua pala ae ti'ai le suamalie.

Mai lea taimi i lea taimi o le loloto ole mafaufau ma le loto e tatau ona fa'amamā mai i fafo. O apogaleveleve o le alofa fa'apito iā oe lava e tatau ona ave'ese atu. O le tuputupu a'e

fa’akanesa o le o’ona e tatau ona tuia. O fa’alogoga tigā e tatau ona ‘elimai i luga, umia ma fa’aioa ona fa’amamulu atu lea. O i’inei e sau ai le fa’amagaloga. E ui e lē faigofie, e o’o lava mai le va’aiga fa’aletagata ae ua malamalamaina lelei lava.

A tatou fa’amamā potu i lalo o tatou fale i le fa’aalu atu o le ‘ea o le fa’amagaloga, o ni lelei matagofie o le a tafe mai iā i tatou. Ua tatou ave’ese atu le avega mamafa o le o’ona ma le inoino. O se taunu’uga o le a tatou fa’alogoina se lagona o le sa’olotoga, to’omaga ma le māmā. Ae fa’asilisili lava ua fa’asa’olotoina i tatou e tomauga o tatou malosi uma i le toe alofa atu ma o le pau lenei o galuega a se Kerisiano. O se Kerisiano e lē alofa ua pei o se molī e lē fa’asusuluina atu le malamalama.

Fa’amagaloga e faia ni galuega matagofie mo le tagata ua fa’amagaloina. Ua tu’uina atu fo’i lenā tagata ua fa’amagaloina. O ia o le a fa’asa’olotoina mai le mamafa o le nofosala ma le salamō. E tatau i lenā tagata ona olioli i le fa’amagaloina. A tatou lē fa’amagaloina i latou ua fa’atigā mai iā i tatou, ua tatou saisaia pea i latou i filifili mamafa o le nofosala. Ua tatou tu’ua i latou i le pogisā. A tatou fa’amagaloina i latou ua tatou fa’asa’olotoina i latou. Ua tatou aumaia iā i latou le olioli ma le filemū. Ua tatou tatala atu le ala ole malamalama’aga ma se va feagai ai loloto. Ae o le silisili lava, o le fa’amagaloga ua tatala ai le ala mo le fa’amagaloga ale Atua ina ia sau iā i tatou. Tatou te mana’omia lava lenā. Pau le fa’alavelave e mafai ona tatou tu’uina i le auala mai o le fa’amagaloga ale Atua o tatou agasala o lo tatou lē mafai ona fa’amagaloina atu agasala a isi. O le mafai ona fa’amagaloina atu i isi ua agasala mai iā i tatou o se va’aiga lelei ma se fua o le loloto o tatou fa’a- Kerisiano. O Kerisiano uma e tatau ona fa’anaunau e fa’amagaloina. Aisea? Ona latou te mauaina ai le fa’amagaloga ale Atua i o latou olaga. Afai e lē fa’anaunau e fa’amagaloina, e lē o ta’u maia iā i tatou se mea? ‘Aua ne’i galo iā i tatou. Muamua fa’amagaloina i latou uma ma ia faia so’o. Ioe, latou uma ona o tatou uma lava ua sesē le tasi i le isi. Ua tatou agasala uma. O tatou uma fo’i ua mana’omia le fa’amagaloga. E tatau ona tatou fa’amagaloina, e pei ona fai mai le Evagelia, **mai le loto**.

12

Aso 24 Setema Aso Sa 25 tausaga Masani – faitauga Muamua – Isaia 55: 6 – 9. Matua: O o’u manatu e sili i o outou manatu.

Salamo 145: 2 – 3 (tali), 8 – 9 (tali), 17 – 19 (tali). Tali: E latalata mai le Ali’i iā te i latou uma o e vala’au iā te ia.

Faitauga lona lua – Filipi 1: 20 – 24, 27. Matua: O lo’u ola ua iā Keriso lea.

Aleluia, Aleluia... O lau afioga o le upu moni lea; ia e fa’apa’iaina i matou i le upu moni... Aleluia

Evagelia – Mataio 20: 1 – 16. Matua: E te fa’a’u’u mai ‘ea ina ua ou agalelei.

Tofitofiga ole Upu:

I le faitauga mai le evagelia o le asō, ua fa’ata’u i le fa’ata’oto a le au faigaluega i le togāvine. O tulaga na tu’uina atu e Keriso mo le fa’afaigaluegaina o tagata ua talafeagai lelei. O togāvine o lo’o tausia ma galueaina lelei e lima. O latou e ōna togāvine o lo’o o atu i maketi e su’e maia ni tagata faigaluega.

O lē e āna le togāvine ona ua vave mai le taimi mo le seleselsega po lona agalelei na alu atu ai i nai taimi o le aso e sa’ili mai ni tagata faigaluega. Sa ia su’eina mai tagata i le tafa o āta, i le taeao, aoauli, ogatotonu o le aoauli ma le tauafiafi. Sa taunu’u i se maliliega e uiga i totogi ma i latou sa ia fa’afaigaluegaina i le tafa o āta. O latou sa mulimuli mai sa fai atu i ai o le a totogi i se faiga talafeagai. Mo latou uma o nei tagata faigaluega i le i’uga o le aso sa avatu i ai totogi mo le aso atoa.

O lē āna le fa’atoaga ua fai ma sui o le Atua. O tagata faigaluega o agaga ia ua vala’auina mo ana ‘au’aunaga. O totogi sa ia totogiina atu iā i latou o a latou totogi e fa’avavau. O le itula o

FAITAUGA MO LE MASINA O SETEMA – 2023

totogi ua fai ma sui o le itula o le maliu. O la'asaga 'ese'ese atu i le maketi ua fai ma sui o taimi 'ese'ese o le olaga na aumai ai e le Atua le mealofa o le fa'atuatua.

Na fa'ai'u e Sagato Mataio lana faitauga mai le evagelia i se fa'aupuga, "E fa'apea ona muamua o ē na mulimuli, e mulimuli fo'i ē na muamua." Ua va'aia e le au atamamai o ē mulimuli i lenei faitauga o tagata Iutaia. O latou ia na vala'auina i le fa'atuatua, ae e toatele na te'ea lenei vala'au. O tagata o nu'u'ese na mulimuli ona vala'auina, ae to'atele o latou na talia le vala'au ma o latou ole a muamua. O le lesona mai lenei fa'ata'oto o le vala'au i le fa'atuatua e sau i tagata 'ese'ese i taimi 'ese'ese. E leai se fa'apito e avatu i se atunu'u po ni ituaiga 'ese'ese. O le fa'afuase'ia o le fanau mai e lē fa'apea o se tasi ole a otometi ona lavea'ia, pe fa'auiga fo'i fa'apea o se tasi o le a otometi lava ona leiloa atu. Ua fa'aalia matagofie mai e le fa'ata'oto le natura aoao po o le natura Katoliko o le Ekalesia.

Na fa'atonuina e Keriso ana so'o "ia outou o' atu e fai nu'u uma lava ma so'o." Na maliu Keriso i luga ole koluse mo tagata uma. I le ulua'i Aso Sa o le Penetekoso, o tagata mai nu'u 'ese'ese uma, tautala i Gagana 'ese'ese na malamalama i le au Aposetolo o lo'o tautatala i o latou Gagana ma na papatisoina i le Ekalesia. O le fanau mai o le Ekalesia i le aso o le Penetekoso ua i ai le maka fa'akatoiliko. O le ulua'i tagata na fa'amatalaina le Ekalesia a Keriso e "Katoliko" o Sagato Ikenasio o Anitioka i le 400 A.D. Talu mai lenā taimi ua fa'aogaina pea le igoa.

O le alofa a Keriso mo le tagata e leai sona tuā'oi. E pei ona alu atu le ali'i e āna le togavine e aumai tagata faigaluega i lana togavine, o Keriso i le tele o seneturi na alu i le miliona o taimi e lē mafaitaulia e foa'i atu le mealofa o le fa'atuatua i agaga. E lē afaina le itula ua vala'auina ai i tatou, pe o tatou o ni Katoliko mai le taimi na fanau mai ai po'o nisi na liliu mai i le fa'atuatua, ia tatou sa'ili se fofō ina ia faia la tatou fa'atuatua o se tasi e malosi ma ola. Ia tatou taumafai ina ia talafeagai i tatou ma le tau i ua folafolaina mai e Keriso iā i latou e talitonu iā te ia. Ia fa'amanuia le Atua iā i tatou uma.

Faitauga mo le aso Sa muamua o Oketopa – 2023

Aso 1 Oketopa Aso Sa 26 Taimi Masani – Faitauga muamua – Esekielu – 18: 25 – 28.

Matua: A liliu 'ese lē ua amio leaga i lana amio leaga, e fa'aolaina e ia lona agaga.

Salamo – 25: 4 – 5 (tali), 6 – 7 (tali), 8 – 9 (tali). Tali: Le Ali'i e, ia e manatua lou alofa muti-muti vale.

Faitauga lona lua – Filipi 2: 1 – 11. Matua: Ia iā te outou lenei manatu o iā Keriso Iesu.

Aleluia, Aleluia...Le Ali'i e, ia e tatalaina o matou loto, ia naunau i afioga a lou Alo... Aleluia.

Evagelia – Mataio – 21: 28 – 32. Matua: Mulimuli ane ua salamō ia, ua alu. E muamua atu tagata ao lafoga ma fafine talitane iā te outou i le malō o le Atua.



Fa'asologa o Misasa mo – Setema 2023

Fa'asologa o Misasa mo Setema 2023			
Aso Sa Muamua 3 Setema 2023	11:00 am	Holy Trinity—Seatoun	Patele
	11:00 am	Porirua	Patele
	11:00 am	Titahi Bay	Patele
Aso Sa Lua			
10 Setema 2023	12:00 pm	Te Awakairangi —Naenae (Lower Hutt & Taita)	Patele
Aso Sa Tolu			
17 Setema 2023	11:00 am	Newtown	Patele
	11:00 am	Holy Family	Patele
Aso Sa Fa			
24 Setema 2023	09:30 am	Te Wairua Tapu — (Wainuiomata & Petone)	Patele
	11:30 am	Stokes Valley	Patele

